

Te Hiranga Te Reo Rangatira

Te Pūrongo Aromatawai ā-Waho 2025



Te Marautanga o Aotearoa
 Te Momo Aromatawai
 Te Paerewa Paetae

Te Hiranga Te Reo Rangatira
 He Whakamātautau Aromatawai ā-Waho
 93009

Te Wāhanga 1: He Tirohanga Whānui

E RUA ngā wāhanga o tēnei whakamātautau. E rua ngā Tūmahi mō ia wāhanga:

- Te wāhanga tuatahi: Pānui me te tuhituhi.
- Te wāhanga tuarua: Whakarongo me te Kōrero.

Ko te whakamātautau i noho mā tētahi kaupapa whānui e taki, ko te Mahinga Kai tēna.

Te Wāhanga 2: He kōrero mō te Paerewa

93009: Te Hiranga Te Reo Rangatira

Te Tirohanga:

He whakamātautau ka whakautua katoa ngā pātai me ngā momo tūmahi aromatawai ki te reo Māori anake. Ko te tikanga, me mōhio te ākonga ki te whakamahi pūkenga reo torohū, pūkenga reo whakaputa mō ngā wāhanga katoa o te whakamātautau nei. Me kaha tonu ki te tātari me te arohaehae i ngā kaupapa kua whakaritea. He whakaputa whakaaro motuhake e hāngai ana ki te kaupapa me ōna āhuatanga e tika ana. He whakatakoto taunaki hoki, kupu, kōrero rānei hei whakaniko whakaaro. Ko te kōtuitui i ōna mōhioatanga e rere ai te reo tuhi me te reo whakaputa kia tika, kia rere kia Māori hoki ai.

Ka whakataurewa tēnei whakamātautau ki raro i tētahi kaupapa kotahi (mahinga kai), he kaupapa nui ōna whaitua, kāre i tāruarua te pātai, te tikanga rānei e whakahoki ai te ākonga hei whakautu mōna. He nui tonu ngā ākonga kei te tuku pātai noa, heoi kāore e āta whakaaro ki te pātai. Ko ngā pātai katoa he mea whakarite e te kaituhi kia tirohia te tirohanga whānui o ia pātai. Kei konei e kōunga ai tēnei whakamātautau.

Pūrongo Paerewa Paetae:

Ngā ākonga i whakawhiwhia ki te **karamatamata o Te Hiranga** Te Reo Rangatira:

- i mārama kehokeho ana te kite i te hōhonutanga o ōna whakaaro ake, whakaaro ahurei.
- he ngawari autaiā o te rere o te reo tuhi me te reo whakaputa e puta ai he whakautu whaihua kia eke ki tētahi taumata kē.
- he maringi noa mai o te reo me te āta whakaraupapa haere o ōna whakautu.
- he whakamahuki o te reo ki te kīwaha, whakatauki hei taunaki i ōna whakautu e pātanga ai ki te whakautu e hāngai tika ana.

Ngā ākonga i whakawhiwhia ki **Te Hiranga**:

- i mārama kehokeho te kite i te hōhonutanga o ngā whakaaro.
- he autaiā te rere o te reo tuhi me te reo whakaputa.
- ka maringi noa mai te reo.
- ka whakamahuki te reo ki te kīwaha, whakatauki hei taunaki i ngā whakautu.

Ngā ākonga **kāore i whakawhiwhia** ki Te Hiranga Te Reo Rangatira:

- kāore i whakautu katoa i te whakamātautau.
- i whakautu ki roto i te reo pākeha.
- kāore i āta pānui i ngā pātai, kāore ngā whakautu e hāngai ana, e tika ana.
- kāore i whakawhānui i ngā whakaaro kia motuhake ai, e whai ngako.
- he nui, he iti rānei ngā hapa.
- kāore he taunaki e whakapātanga ai ki te pātai.
- kāore he hua.